

BODO (CODE: 092)
Class-X
Session 2024-2025
Sample Question Paper

Time: 3 Hours

Total Marks: 80

Part-A:
Objective Type MCQ Paper

सॉथि नं. (1) गाहायाव होनाय सॉलुफोरनि गेबें फिनखौं सायख'ना लिर :

5X1=5

CBQ

i. कमल कुमार ब्रह्मनि बादिब्ला बर' रावनि आथोना मोनब्रै। बेफोरनि अनगायैबो अराय जो आरो अराय जोला आथोन दिन्थिगा माखासे सोदोबफोरनि बाहायनाय दं। गाहायनि बबे मोनसेया अराय जो आथोननि मोनसे गेबें बिदिन्थि-

- (A) बादारि
- (B) दौरि
- (C) सांग्रेमा
- (D) हालमाजि

ii. गाहायनि बबे मोनसेया गलाय थाइजानि गेबें बिदिन्थि?

- (A) गार
- (B) थां
- (C) जासुला
- (D) लांखार

CBQ

iii. बर' रावाव इयुन बिदिन्थाखौं खाथि इयुन बिदिन्था आरो गोजान इयुन बिदिन्था मोननै बाहागो खालामनानै सावरायनाय जायो। गाहायनि बबे मोनसे उन दाजाबदाखौं खाथि इयुन बिदिन्था फोरमायनो बाहायनाय जायो?

- (A) -बाय
- (B) -गोन
- (C) -दौं
- (D) -नोसै

CBQ

iv. बाथा फान्दायफोरा समाजनि मोनसे बिथिंखौ खँसालिया बाथ्राजॉनो फोरमायथिना होयो। बे बेलायाव 'बाथि गार'नि गेजेरजौ गाहायनि बबे मोनसेनि ओंथिया गोरुबदौ सायख'?

- (A) थै
- (B) हांमा था
- (C) हाबा ला
- (D) हाबिला जा

v. गाहायनि बबे मोनसेया 'बखालि' सोदोबनि गेबें फोरमायथि?

- (A) बोराइ-बुरै मानसिखौ जोथोन लाग्रा आइजो
- (B) उन्दै गथ' बामग्रा आइजो
- (C) नखरनि खामानि मावग्रा आइजो
- (D) दुबुलिनि खामानि मावग्रा आइजो

सौंथि नं (2) गाहायाव होनाय सौंलुफोरनि गेबें फिनखौ सायख'ना लिर :

10X1=10

i. 'बिबार खानाय' खन्थाइयाव खन्थाइगिरिया बिबारा माब्ला सिरियो होनना बुंदौ?

- (A) सान जौब्ला
- (B) सान्दुं राब्ला
- (C) गोब्राब बार बारब्ला
- (D) गोजौनि मोनथामबो गेबें

ii. 'बिबार खानाय' खन्थाइनि खन्थाइगिरिया सोर?

- (A) रुपनाथ ब्रहम
- (B) कमल कुमार ब्रहम
- (C) ध्वजेन्द्र ब्रहम
- (D) सुरथ नार्जारी

CBQ

iii. 'आंनि गामि' खन्थाइयाव खन्थाइगिरिया 'सोलिनाय' सोदोबजौ मा ओंथि फोरमायदौ?

- (A) रायखोमानाय
- (B) इनाय मावनाय
- (C) थगायनाय
- (D) गाज्जि मुं लानाय

iv. 'आंनि गामि' खन्थाइयाव खन्थाइगिरिया बबे समाव गाथोनाव जिरायदौमोन?

- (A) मोनाबिलि सामाव
- (B) बेलासि समाव
- (C) फुडाव
- (D) हराव

v. 'जिउनि अलंबार' खन्थाइयाव खन्थाइगिरिया अरायबो सोरखौ गाबजियो?

- (A) अनजालिखौ
- (B) इसोरखौ
- (C) बिमाखौ
- (D) मिथिंगाखौ

CBQ

vi. 'गेवसांनाय महर' खन्थाइखौ बबे खन्थाइ बिजाबनिफ्राय दैखांना होनाय जादों?

- (A) मोदै
- (B) जिउनि अलंबार
- (C) बिबार
- (D) आंनि गामियाव दैज्लां

vii. 'गेवसांनाय महर' खन्थाइयाव खन्थाइगिरिया सोरखौ थगायसुला नडा होनना बुंदों?

- (A) खन्थाइगिरिया गावखौ
- (B) मालायखौ
- (C) गुबुन हारिनि मानसिफोरखौ
- (D) गोजौनि गासैबो गेबें

CBQ

viii. 'रादाय' खन्थाइया गाहायनि बबे मोनसेजों सोमोन्दो गोनां नडा?

- (A) इलिजि
- (B) सेसटेट
- (C) अक्टेभ
- (D) सनेट

CBQ

ix. 'सनेट' खन्थाइनि गिबि दाइन सिरिखौ मा मुडै मिथिनाय जायो?

- (A) सेसटेट
- (B) अक्टा
- (C) अक्टेभ
- (D) गोजौनि मोनसेबो नडा

CBQ

x. 'हाग्रामायाव अर' खन्थाइयाव 'बिसोर' होननाने खन्थाइगिरिया सोरखौ बुंदों?

- (A) थागिबि सुबुंफोरखौ
- (B) गुबुन हादरारि सुबुंफोरखौ
- (C) लाउखारफोरखौ
- (D) गोजौनि मोनसेबो नडा

सॉथि नं (3) गाहायाव होनाय सॉलुफोरनि गेबें फिनखौ सायख'ना लिर :

10X1=10

i. कालिचरण ब्रह्मवा साइमन कमिसननो माब्ला गोसोखां बिलाइ हैदोंमोन?

- (A) 1929 मायथाइनि 3 जानुवारि
- (B) 1929 मायथाइनि 4 जानुवारि
- (C) 1939 मायथाइनि 3 जानुवारि
- (D) 1939 मायथाइनि 4 जानुवारि

CBQ

ii. गाहायनि सोर मुंदांखा सुबुडा मेट्रिकावनो सोलेंथाइखौ फोजोबनानै पेट्रल दिपआव थाव सोनायनि खामानि मावदोंमोन?

- (A) हिटेस बरुवा
- (B) नरेन्द्रनाथ दत्त
- (C) नारायन मुर्ती
- (D) धीरुभाइ आम्बानी

CBQ

iii. जोमैसिनो बिफाया कम्पिउटार अनथोब होदोंमोन। बे कम्पिउटाराव इन्टारनेट फोनांजाबनानै गोबां खामानि मावनो हायो। गाहायनि बबे मोनसेया इन्टारनेटजों सोमोन्दो गोनां नडा सायख'?

- (A) इन्टारनेट फोनांजाबनो हायो
- (B) इ-मेइल खालामनो हायो
- (C) इ-कमार्सनि खाबु लानो हायो
- (D) प्रिन्ट खालामनो हायो

CBQ

iv. 'जेराव थुरि नुयो बेयावनो बाथि गारो' बेयो गाहायनि बबे मोनसेजों सोमोन्दो गोनां?

- (A) सल'बाथा
- (B) मोनथोर
- (C) बाथ्राफाव
- (D) बाथ्रा लानजाइ

v. महिनी म'हन ब्रह्मआ लिरनाय सल'बाथा बिजाबनि मुडा मा?

- (A) बर' कसारि सल'
- (B) बर'नि सल'बाथा
- (C) खोनाफेरै सल'
- (D) आबै-आबौनि सल'

CBQ

vi. 'हारिमानि खौसेथि' रायथाइयाव रायथाइगिरिया भारत हादरनि देरसिन गोहोआ मा होनना बुंदों?

- (A) राव आरो धोरोम
- (B) हारि आरो धोरोम
- (C) गोरोबनाय आरो खौसे जानाय
- (D) धोरोम बासिलायनाय

vii. बिथराय आरो रोदोमा बबेयाव हाग्रामा दावबायनो थांदोंमोन?

- (A) काजिरडा
- (B) मानास
- (C) पबितरा
- (D) सिबसागर

CBQ

viii. 'बर' मोसानाय' रायथाइयाव रायथाइगिरिया आथिखालनि बर' मोसानाया मोनबेसे होनना बुंदों?

- (A) मोनब्रै
- (B) मोनबा
- (C) मोनद'
- (D) मोनस्नि

ix. 'अरुनिमा सिन्हा'आ मानि थाखाय मुंदांखा?

- (A) हाजो गाखोनाय
- (B) मोसानाय
- (C) फुटबल गेलेनाय
- (D) हकि गेलेनाय

x. 'मनथ्रि फैगोन' सुंद' सल'वाव जायगा मोननाय मनथ्रिनि मुडा मा?

- (A) थेमबायराम
- (B) थुबब्लाव दैमारि
- (C) खावब्लिद
- (D) दुलुर

Part-B:
Descriptive Type Pen Paper Test

सौथि नं (4) गाहायाव होनाय सौलुफोरनि सुंथाबै फिन लिर (20-25 सोदोबनि गेजेराव) : 5X2=10

CBQ

- i. साइमन कमिसननो गोसोखां बिलाइ हैनायाव गुरुदेब कालीचरण ब्रह्मजों सोर सोर थांफादोंमोन?
- ii. बर'फोरनि धोरोमजों सोमोन्दो गोनां मोननै मोसानायफोरनि मुं लिर ।

CBQ

- iii. शंहति परिषदनि थांखिया मा?

CBQ

- iv. 'जिउनि अलंबार' खन्थाइयाव खन्थाइगिरिया मा सिमान लादोंमोन?

CBQ

- v. 'सनेट' सोदोबनि औंथिया मा आरो बेखौ सोर जोनोम होग्रोदोंमोन?

सौथि नं (5) गाहायाव होनाय सौथिफोरनि फिन लिर :

7X5=35

CBQ

- i. 'बैसागी आगर' खन्थाइखौ फरायनानै मा बुजिखो नौनि रावजों लिर।

CBQ

- ii. 'मनथि फैगोन' सुंद' सल'वाव मन्थिनि मा खोथा बेरखांदों सावराय।

- iii. टिवाफोरनि रंजाथाइ फोरबोफोरनि सोमोन्दै लिर।

- iv. देउरिफोरनि दोरोडारि गाननाय जोमनायफोरनि सोमोन्दै लिर ।

- v. इयुन बिदिन्था माखौ बुडो? बर' रावनि इयुन बिदिन्थानि बाहागोफोरनि सोमोन्दै सावराय।

CBQ

- vi. नौंसोरनि फरायसालियाव जानो गोनां फरायसालि सप्ताहनि हारिमुवारि बादायलायनायफोरनि सोमोन्दै बयनोबो मिथिहोनो सासे हारिमु नेहाथारि जानानै गांसे मिथिसार बिलाइ लिर।

CBQ

- vii. नौंसोर दावबायहैनाय जायखिजाया दाबसे जायगानि सोमोन्दै रोखायै फोरमायनानै लिर।

सौथि नं (6)

गाहायाव होनाय फराखोन्दोखौ मोजाइ फराय आरो बे फरानि गुबै बाथाखौ गावनि रावजों लिरफिन: 5

"हारिमु" सोदोबा जोबोद गोथौ गुवार औंथि गोनां। बर'वा बे सोदोबखौ जोबोद गोफार मेलेमजों सोरजिदों। "मु" सोदोबा जाबाय गोलाव गुवार गोजौ जिरादखौ सुनाय ज'खा। आरो बे ज'खाखौ बर'वा आखाइ मुथिजों सुयोमोनखाय जानो हागौ बि ज'खानि मुडा "मु"। बिदिब्ला हारिया बेसे गोजौआव दं बेखौ मिथि होनो हानाय मोनथायानो जाबाय हारिमु। मोनफा हारिनि हारिमुवानो मोनफा हारिनि सान्नाय, बुंनाय, मावनाय, फोरमायनाय गासैखौबो आयना बादि नुजाखां होजोबो। जैरै बिफां फांसेया जौलांनांगौब्ला बिहा बिलाइ गोनां

दालाड् ओंखारलांबाय थाथार गोन आरो जौहोलां गोजाम दालाड्या रान्नानै गुगा होलांबाय थागोन। गुगानायनि दागो एबा आंखिया रान्नानै गुगा होलांबाय थागोन। गुगानायनि दागो एबा आंखिया थालानानै बिफांनि राफोद बैसोखौ दिन्थियो, हारिमुवाबो बेबादिनो। मोनफा हाबायाव मोन्नाय, मिथिंगानि बार-हावा, हाजो-दैमु, बिफां-लाइफां, जीब-जुनार, हा-हु-गासैबो सम्पदफोरजौ जीउ खालानायाव मावनाय दांनाय, सान्नाय बुंनायनि गेजेरजौ जि सोरजिथाय जायो, बेखौनो हारिमु बुंनाय जायो। मुगानि उनाव मुगा बेबादिनो समनि फाखनाव मानसिनि मावनाय दांनाय, सान्नाय, फोरमायनाय आयदा-बायदा सुबिधा आरो राहाफोरा बांलांनाय लोगो लोगो गोदान सोरजिथाय जाबोनो हमदौ आरो बेबादिनो हारिमुनि महरा सोलाय लांगासिनो दड। नाथाय बैसो राफोद बिफाडाव बैसो सोलायनाय नेसोन आंखिफोरा थालानाय बादि आथिखालनि हारिमुवाव सोरजि गोजामफोरनि आखोबा थायो। बिखौनो बुंनाय जायो Traditional Culture। बे Traditional Culture खौ एंगारनानै जौ गावनि सिनायथिखौ होनो हाया। मानोना गोजाम हारिमुवाव गोजाम मुगानि सुबुंफोरनि सान्नाय बुंनाय मावनाय दांनाया बेसे गोजौ फाबुवाव मानो बेयो रोखायै बेरखांना थायो। बे आंखि खाखानाय फाबुवा हारिखौ सिनायथि होनाय लोगोसे इयुननि गोदान फाबुफोर ओंखार लांनानै गोजौनिफ्राय गोजौसिन जालानो खाबु आरो थुलुंगा होयो। अब्ला जाय हारिनि सान्नाय बुंनाय, मवनाय-दांनाया गोजौ थाखोनि, बि हारिनि हारिमुवा गोजौ समायना जाखागोन। नाथाय बेखौ मिथि नांगौब्ला जौ हारिमुनि मोनफा मोनफा आयदाखौ लानानै बिजिरना नाइनांगोन, बेहाय जिनिर दंब्ला हुख'नांगोन आरो दुलाराय सुबुंनो बिनि असे ओंथि आरो महरखौ दिन्थिनांगोन। मानोना बिजिरनाय गियाननि आंखालाव माब्लाबा जौ गाहाम ओंथि गोनां हुदाखौबो नेवसिफ्लाडो आरो आनदायनानै गुबुननि सायाव मानलाबायफ्लाडो। अब्लानो मुगै जानाय सफैयो।

सौंथि नं (7)

गाहायाव होनाय फराखोन्दोखौ मोजाडै फराय आरो बे फरानि गुबै बाथाखौ गावनि रावजौ लिरफिनः 5

पारसी खन्थाय एबा सल'न्थायखौ मोनब्रै महराव लिरनाय जायो- काच्चिदा, गजल, मथनबी आरो रुबाइ। आरज सल'न्थायखौ काच्चिदा महरै, गोसो थोनायनि मेथायखौ गजल महरै, गोलाव सल'न्थायफोरखौ मथनबी महरै आरो गुसुडै बान गोनां सानस्रि फोरमायनो रुबाइ खबाम बाहायनाय जायो। फादौसीनि समब्रा-समब्रि खन्थायगिरि आबु सायेदा सुफी सानथौखौ खन्थाय महरै फोसावनो जेब्ला गरन्थ लायो अब्ला बिथाडा रुबाइ खबामखौनो गावनि सल'न्थायनि थाखाय आरजाथावसिन सान्नानै बे खबामखौ बाहायो। नाथाय बिथाडा बे खबामखौ एसे सोलाय-सल' खालामनानै आरो फोसावनानै लायो। गाइखेरा जेरै माखन जायो बेबादिनो थुनलाइनि बिदै एबा मेहेरा रुबाइ महराव खहाब गोनांसिन जायो। अमर खैयामबादि आखा-फाखा आखायाव गोग्लैना बेनि गोहोआ आरो बांसिन जाबावो। बेनि सोदोब फंफ्रामबो फरायगिरिनि खोमाजौ हाबनानै गोसो खंख'राव हाबहैयो। खृष्टनि उन जिसे जौथायनि गेजेर बाहागोआव निशापुराव अमरा जोनोम जायो। बिथानि बिफाया सासे 'खैयाम' एबा सायना (तम्बु) बानायग्रामोन। बेनिखायनो बिथाडा अमर-बिन खैयाम (खैयामनि फिसाज्ला अमर) मुडै मोनथि जायो। बिथाडा सासे पण्डितमोन- सानखान्थि आरो जौलारी शास्त्रवाव बिथानौ रूजु जाथाव पण्डित बे समाव रावबो गैयामोन। नाथाय गोमोथाव बाथाया बेनोदि सानखान्थिबादि सानथाव बिजाननि चर्सा खालामदौब्लाबो बिथानि खन्थायगिरि गोसोआ साबा जालाडाखै।